



ს ა ქ ა რ თ ვ ე ლ ო  
ვ ა ნ ი ს მ უ ნ ი ც ი პ ა ლ ი ტ ე ბ ი ს ს ა კ რ ე ბ უ ლ ო  
G E O R G I A  
M U N I C I P A L I T Y C O U N C I L O F V A N I



ოქმი:ლ65. 6523097001

თარიღი:07/04/2023

ვ ა ნ ი ს მ უ ნ ი ც ი პ ა ლ ი ტ ე ბ ი ს ს ა კ რ ე ბ უ ლ ო ს რ ი გ ი თ ი  
ს ხ დ ო მ ი ს ო ქ მ ი N5

**ქ. ვანი, თავისუფლების ქ. N65 05. 04. 2023 წ.**

ვანის მუნიციპალიტეტის საკრებულოს სხდომას თავმჯდომარეობდა საკრებულოს თავმჯდომარე - **ალექსანდრე ლილუაშვილი.**

**სხდომას ესწრებოდა საკრებულოს 24 წევრი:** ალექსანდრე ლილუაშვილი, გიორგი ივანიაძე, დავით ხარძეიშვილი, შოთა გიორგაძე, გელა ვარდოსანიძე, გელა ჩიკვაძე, ვლადიმერ ჭვალაძე, სანდრო ხურციძე, ლია დიასამიძე, ლანა გოგოძე, ილია დვალისხილი, ტარიელ ბარამიძე, ალექსანდრე მუჟაგანაძე, მაკა ზარნაძე, რამაზ არველაძე, გელა ღვიტიძე, ივანე კორძაძე, შალვა ლორთქიფანიძე, დავით კაკაბაძე, თეონა ადვიშვილი, ეთერი ჭიჭინაძე, თამარ შენგელია, ნატო დვალი, ლიზა ტყემელაშვილი.

**სხდომას საპატიო მიზეზით არ ესწრებოდნენ საკრებულოს წევრები:** გრიგოლ მატარაძე, კობა ძაგნიძე, ბიჭიკო პაიკიძე, კობა ტოხვაძე, გიორგი ტყემელაშვილი, თორნიკე ერისთავი.

**დანართი: N1**

სხდომას ასევე ესწრებოდნენ:

საკრებულოს აპარატის იურიდიულ და საორგანიზაციო საკითხთა განყოფილების უფროსი -

**ლუიზა ჯოგლიძე;**

საკრებულოს აპარატის იურიდიულ და საორგანიზაციო საკითხთა განყოფილების უფროსის მოადგილე იურიდიულ საკითხებში - **სალომე ფახურიძე.**

**მოწვეული პირები:**

ვანის მუნიციპალიტეტის მერიის ზედამხედველობის სამსახურის შტატგარეშე მოსამსახურე - **გელა კაშია.**

ვანის მუნიციპალიტეტის მერიის საფინანსო-საბიუჯეტო სამსახურის უფროსი - **ივანე მამფორია.**

სხდომის თავმჯდომარე ალექსანდრე ლილუაშვილი საკრებულოს ღია სხდომას 14<sup>00</sup> საათზე გახსნილად აცხადებს.

სხდომის თავმჯდომარემ სხდომას გააცნო დღის წესრიგის პროექტი:

### **დღის წესრიგი**

1. ვანის მუნიციპალიტეტის 2023 წლის ბიუჯეტის დამტკიცების შესახებ“ ვანის მუნიციპალიტეტის საკრებულოს 2022 წლის 22 დეკემბრის N27 დადგენილებაში ცვლილების შეტანის თაობაზე;

მომხს: ივანე მამფორია

2. „ვანის მუნიციპალიტეტის მერიის ზედამხედველობის სამსახურის სამშენებლო საქმიანობაზე სამართალდარღვევის საქმისწარმოების დოკუმენტების ფორმების დამტკიცების შესახებ“;

მომხს: გელა კაშია

3. „ვანის მუნიციპალიტეტის ზედამხედველობის სამსახურში ცალკეულ ადმინისტრაციულ სამართალდარღვევათა საქმისწარმოებისათვის დოკუმენტების ფორმების დამტკიცების შესახებ“;

მომხს: გელა კაშია

4. „ვანის მუნიციპალიტეტის ტერიტორიაზე ადმინისტრაციულ სამართალდარღვევებზე საქართველოს ადმინისტრაციულ სამართალდარღვევათა კოდექსით გათვალისწინებული საჯარიმო სანქციების გამოყენებისა და ადმინისტრაციულ სამართალდარღვევათა ოქმის, მისი წარმოების, გამოყენების, აღრიცხვა-ანგარიშგების წესის და სააღსრულებო ფურცლის ფორმების დამტკიცების შესახებ“ ვანის მუნიციპალიტეტის საკრებულოს 2019 წლის 25 სექტემბრის N22 დადგენილებაში ცვლილების შეტანის თაობაზე;

მომხს: გელა კაშია

5. ვანის მუნიციპალიტეტის მერიის ზედამხედველობის სამსახურის მიერ მშენებლობის შეჩერების შესახებ ადმინისტრაციულ-სამართლებრივი აქტის შესრულების კონტროლის განხორციელების წესის დამტკიცების შესახებ;

მომხს: გელა კაშია

6. „ვანის მუნიციპალიტეტის მერიის ზედამხედველობის სამსახურის დებულების დამტკიცების შესახებ“ ვანის მუნიციპალიტეტის საკრებულოს 2018 წლის 25 იანვრის N67 დადგენილებაში ცვლილებების შეტანის შესახებ;

მომხს: გელა კაშია

7. ვანის მუნიციპალიტეტის 2022 წლის ბიუჯეტის შესრულების წლიური ანგარიშის დამტკიცების შესახებ;

მომხს: ივანე მამფორია

8. „ვანის მუნიციპალიტეტის საკრებულოს წევრების, გარდა საკრებულოს პოლიტიკური თანამდებობის პირებისა, 2023 წლის მარტის თვის ხარჯების ანაზღაურების შესახებ“;

მომხს: გელა ჩიკვაიძე

**მომხრე - 24**

**წინააღმდეგი - არცერთი.**

**დაადგინეს:** დღის წესრიგი მიღებულ იქნა წარმოდგენილი სახით.

**მოხსენეს:** დღის წესრიგით გათვალისწინებულ პირველ საკითხთან დაკავშირებით მომხსენებელმა ივანე მამფორიამ წარმოადგინა დადგენილების პროექტი: „ვანის მუნიციპალიტეტის 2023 წლის ბიუჯეტის დამტკიცების შესახებ“ ვანის მუნიციპალიტეტის საკრებულოს 2022 წლის 22 დეკემბრის N27 დადგენილებაში ცვლილების შეტანის თაობაზე;

მომხსენებელმა აღნიშნა, რომ „დადგენილება მომზადებულია საქართველოს ადგილობრივი თვითმმართველობის კოდექსის 24-ე და 91-ე მუხლების შესაბამისად და განსაზღვრავს 2023 წლის განმავლობაში მისაღები შემოსულობებისა და გასაწევი გადასახდელების მაჩვენებლებს.

ბიუჯეტში ცვლილება განპირობებულია ბიუჯეტის საკუთარი სახსრების ნაწილში პროგრამებს შორის თანხის გადანაწილების საჭიროებით, სახელმწიფო დროშის ნაგებობის მოწყობისა და ქ.ვანის N2 საბავშვო ბაღის შემოღობვის სამუშაოებისათვის საჭირო თანხის მობილიზების მიზნით.

წარმოდგენილი ცვლილების პროექტით, 25,0 ათასი ლარით იზრდება კეთილმოწყობის ღონისძიებები, 15,0 ათასი ლარით სკოლამდელი აღზრდის დაწესებულებების რეაბილიტაციის პროგრამა და 40,0 ათასი ლარით მცირდება გზების რეაბილიტაციის პროგრამა.

წარმოდგენილი პროექტის მიმართ შენიშვნები არ გამოთქმულა. სხდომის თავმჯდომარემ კენჭი უყარა დადგენილების პროექტს:

## **მომხრე - 24**

### **წინააღმდეგი - არცერთი.**

**გადაწყვიტეს:** დამტკიცდეს დადგენილების პროექტი: „ვანის მუნიციპალიტეტის 2023 წლის ბიუჯეტის დამტკიცების შესახებ“ ვანის მუნიციპალიტეტის საკრებულოს 2022 წლის 22 დეკემბრის N27 დადგენილებაში ცვლილების შეტანის თაობაზე;

### **დადგენილება: N9**

**მოხსენეს:** დღის წესრიგით გათვალისწინებულ მეორე საკითხთან დაკავშირებით მომხსენებელმა გელა ვაშიამ წარმოადგინა დადგენილების პროექტი: „ვანის მუნიციპალიტეტის მერიის ზედამხედველობის სამსახურის სამშენებლო საქმიანობაზე სამართალდარღვევის საქმისწარმოების დოკუმენტების ფორმების დამტკიცების შესახებ“;

მომხსენებელმა განმარტა, რომ ზემოაღნიშნული დადგენილება გულისხმობს ზედამხედველობის სამსახურის მიერ სამშენებლო სამართალდარღვევების საქმისწარმოების პროცესში აუცილებელი დოკუმენტების ფორმების დამტკიცებას - როგორებიც არის „მითითება“, „შემოწმების აქტი“, „უწყება“, „დათვალიერების ოქმი“ „ბრძანება უნებართვოდ/ნებართვის დარღვევით მიმდინარე მშენებლობის შეჩერების შესახებ“, „ბრძანება უნებართვოდ/ნებართვის დარღვევით მიმდინარე

მშენებლობის დემონტაჟის შესახებ“, „ბრძანება სამშენებლო სამართალდარღვევის დაჯარიმების შესახებ“, „ბრძანება სამშენებლო სამართალდარღვევის საქმისწარმოების შეწყვეტის შესახებ“, „სააღსრულებო ფურცელი“ შესაბამისად ძალადაკარგულად გამოცხადდეს ვანის მუნიციპალიტეტის საკრებულოს 2015 წლის 7 აგვისტოს N34 დადგენილება „ვანის მუნიციპალიტეტის მერიის ზედამხედველობის სამსახურის სამშენებლო საქმიანობაზე სამართალდარღვევის საქმისწარმოების დოკუმენტების ფორმის დამტკიცების შესახებ“

წარმოდგენილი პროექტის მიმართ შენიშვნები არ გამოთქმულა. სხდომის თავმჯდომარემ კენჭი უყარა დადგენილების პროექტს:

## **მომხრე - 24**

### **წინააღმდეგი - არცერთი.**

**გადაწყვიტეს:** დამტკიცდეს დადგენილების პროექტი „ვანის მუნიციპალიტეტის მერიის ზედამხედველობის სამსახურის სამშენებლო საქმიანობაზე სამართალდარღვევის საქმისწარმოების დოკუმენტების ფორმების დამტკიცების შესახებ“;

### **დადგენილება: N10**

**მოისმინეს:** დღის წესრიგით გათვალისწინებულ მესამე საკითხთან დაკავშირებით მომხსენებელმა გელა კაშიამ წარმოადგინა დადგენილების პროექტი: „ვანის მუნიციპალიტეტის ზედამხედველობის სამსახურში ცალკეულ ადმინისტრაციულ სამართალდარღვევათა საქმისწარმოებისათვის დოკუმენტების ფორმების დამტკიცების შესახებ“;

მომხსენებელმა აღნიშნა, რომ „ზემოაღნიშნული დადგენილება განსაზღვრავს ადმინისტრაციულ სამართალდარღვევათა კოდექსის იმ მუხლებით გათვალისწინებულ სამართალდარღვევებზე, რომლებზეც ზედამხედველობის სამსახურს შეუძლია საჯარიმო ქვითრის გამოწერა. დადგენილებით მტკიცდება „საჯარიმო ქვითრის--ადმინისტრაციული სამართალდარღვევის ოქმი“-ს ფორმა, საჯარიმო ქვითრის აღრიცხვის ჟურნალის ფორმა, ასევე დაზიანებული საჯარიმო ქვითრის ჩამოწერის ფორმა და სააღსრულებო ფურცლის ფორმა.

აღნიშნულ ადმინისტრაციული სამართალდარღვევის ოქმის შედგენაზე უფლებამოსილნი არიან ვანის მუნიციპალიტეტის მერიის ზედამხედველობის სამსახურის დებულებით განსაზღვრული საჯარო მოხელეები.

წარმოდგენილი პროექტის მიმართ შენიშვნები არ გამოთქმულა. სხდომის თავმჯდომარემ კენჭი უყარა დადგენილების პროექტს:

## **მომხრე - 24**

### **წინააღმდეგი - არცერთი.**

**გადაწყვიტეს:** დამტკიცდეს დადგენილების პროექტი: „ვანის მუნიციპალიტეტის ზედამხედველობის სამსახურში ცალკეულ ადმინისტრაციულ

სამართალდარღვევათა საქმისწარმოებისათვის დოკუმენტების ფორმების დამტკიცების შესახებ”;

### **დადგენილება: N11**

**მოისმინეს:** დღის წესრიგით გათვალისწინებულ მეოთხე საკითხთან დაკავშირებით მომხსენებელმა გელა კაშიამ წარმოადგინა დადგენილების პროექტი: „ვანის მუნიციპალიტეტის ტერიტორიაზე ადმინისტრაციულ სამართალდარღვევებზე საქართველოს ადმინისტრაციულ სამართალდარღვევათა კოდექსით გათვალისწინებული საჯარიმო სანქციების გამოყენებისა და ადმინისტრაციულ სამართალდარღვევათა ოქმის, მისი წარმოების, გამოყენების, აღრიცხვა-ანგარიშების წესის და სააღსრულებო ფურცლის ფორმების დამტკიცების შესახებ“ ვანის მუნიციპალიტეტის საკრებულოს 2019 წლის 25 სექტემბრის N22 დადგენილებაში ცვლილების შეტანის თაობაზე;

მომხსენებელმა განმარტა, რომ „ცვლილება გულისხმობს დადგენილების პირველი მუხლიდან ამოღებულ იქნას ადმინისტრაციულ სამართალდარღვევათა კოდექსის ის მუხლები, რომლებზეც

ზედამხედველობის სამსახურს შეუძლია საჯარიმო ქვითრის გამოწერა და რომელი მუხლებიც მოიცავს ახალმა დადგენილებამ.

წარმოდგენილი პროექტის მიმართ შენიშვნები არ გამოთქმულა. სხდომის თავმჯდომარემ კენჭი უყარა დადგენილების პროექტს:

### **მომხრე - 24**

#### **წინააღმდეგი - არცერთი.**

**გადაწყვიტეს:** დამტკიცდეს დადგენილების პროექტი: „ვანის მუნიციპალიტეტის ტერიტორიაზე ადმინისტრაციულ სამართალდარღვევებზე საქართველოს ადმინისტრაციულ სამართალდარღვევათა კოდექსით გათვალისწინებული საჯარიმო სანქციების გამოყენებისა და ადმინისტრაციულ სამართალდარღვევათა ოქმის, მისი წარმოების, გამოყენების, აღრიცხვა-ანგარიშების წესის და სააღსრულებო ფურცლის ფორმების დამტკიცების შესახებ“ ვანის მუნიციპალიტეტის საკრებულოს 2019 წლის 25 სექტემბრის N22 დადგენილებაში ცვლილების შეტანის თაობაზე;

### **დადგენილება: N12**

**მოისმინეს:** დღის წესრიგით გათვალისწინებულ მეხუთე საკითხთან დაკავშირებით მომხსენებელმა გელა კაშიამ წარმოადგინა დადგენილების პროექტი: „ვანის მუნიციპალიტეტის მერიის ზედამხედველობის სამსახურის მიერ მშენებლობის შეჩერების შესახებ ადმინისტრაციულ-სამართლებრივი აქტის შესრულების კონტროლის განხორციელების წესის დამტკიცების შესახებ“;

მომხსენებელმა აღნიშნა, რომ „დადგენილების პროექტის მიხედვით „ვანის მუნიციპალიტეტის მერიის ზედამხედველობის სამსახურის მიერ, შეჩერების შესახებ ადმინისტრაციულ-სამართლებრივი აქტის შესრულების კონტროლის

განხორციელების წესი“ (შემდგომში – წესი) არეგულირებს, ვანის მუნიციპალიტეტის მერიის ზედამხედველობის სამსახურის მიერ (შემდგომში – ზედამხედველობის სამსახური) 2023 წლის 1 აპრილიდან საქართველოს კანონის „საქართველოს სივრცის დაგეგმარების, არქიტექტურული და სამშენებლო საქმიანობის კოდექსის“ 127-ე მუხლის პირველი ნაწილის საფუძველზე მიღებული მშენებლობის შეჩერების შესახებ ადმინისტრაციულ-სამართლებრივი აქტის შესრულების კონტროლის განხორციელების წესს.

დადგენილების პროექტი გულისხმობს ზედამხედველობის სამსახურის თანამშრომლების მიერ უნებართვო ან/და ნებართვის დაღვევით შეჩერებული მშენებლობის შემოწმებას. ამ წესის მიხედვით ზედამხედველობის სამსახურის საჯარო მოხელეები ვალდებული იქნებიან შეჩერებული მშენებლობა შეამოწმონ მინიმუმ თვეში ერთხელ, ხოლო მშენებლობის განახლების შემთხვევაში დაიწყონ წარმოება მესაკუთრის დაჯარიმების თაობაზე“.

წარმოდგენილი პროექტის მიმართ შენიშვნები არ გამოთქმულა. სხდომის თავმჯდომარემ კენჭი უყარა დადგენილების პროექტს:

## **მომხრე - 24**

### **წინააღმდეგი - არცერთი.**

**გადაწყვიტეს:** დამტკიცდეს დადგენილების პროექტი: „ვანის მუნიციპალიტეტის მერიის ზედამხედველობის სამსახურის მიერ მშენებლობის შეჩერების შესახებ ადმინისტრაციულ-სამართლებრივი აქტის შესრულების კონტროლის განხორციელების წესის დამტკიცების შესახებ“;

### **დადგენილება: N13**

**მოისმინეს:** დღის წესრიგით გათვალისწინებულ მეექვსე საკითხთან დაკავშირებით მომხსენებელმა გელა კაშიამ წარმოადგინა „ვანის მუნიციპალიტეტის მერიის ზედამხედველობის სამსახურის დებულების დამტკიცების შესახებ“ ვანის მუნიციპალიტეტის საკრებულოს 2018 წლის 25 იანვრის N67 დადგენილებაში ცვლილებების შეტანის შესახებ;

მომხსენებელმა აღნიშნა, რომ დადგენილების პროექტით გათვალისწინებული ცვლილებით დეტალურად განისაზღვრა ზედამხედველობის სამსახურის საჯარო მოხელეების ფუნქციები სამშენებლო და ადმინისტრაციულ სამართალდაღვევებზე რეაგირებასთან დაკავშირებით.

წარმოდგენილი პროექტის მიმართ შენიშვნები არ გამოთქმულა. სხდომის თავმჯდომარემ კენჭი უყარა დადგენილების პროექტს:

## **მომხრე - 24**

### **წინააღმდეგი - არცერთი.**

**გადაწყვიტეს:** დამტკიცდეს დადგენილების პროექტი: „ვანის მუნიციპალიტეტის მერიის ზედამხედველობის სამსახურის დებულების დამტკიცების შესახებ“ ვანის მუნიციპალიტეტის საკრებულოს 2018 წლის 25

იანვრის N67 დადგენილებაში ცვლილებების შეტანის შესახებ;

## დადგენილება: N14

**მოიხმინეს:** დღის წესრიგით გათვალისწინებულ მეშვიდე საკითხთან დაკავშირებით მომხსენებელმა - ივანე მამფორიამ წარმოადგინა „ვანის მუნიციპალიტეტის 2022 წლის ბიუჯეტის შესრულების წლიური ანგარიში“;

მომხსენებელმა განმარტა, რომ ვანის მუნიციპალიტეტის 2022 წლის ბიუჯეტის შესრულების ანგარიში მუნიციპალიტეტის საკრებულოში წარდგენილი იქნა 2023 წლის 6 თებერვალს. იგი განხილული იქნა ხუთივე კომისიის, ფრაქციისა და ბიუროს სხდომებზე.

2022 წლის ბიუჯეტის შემოსულობების წლიური გეგმა 18434,6 ათასი ლარით განისაზღვრა. ბიუჯეტში მობილიზებულია 18633,5 ათასი ლარი, რაც წლიური გეგმის 101,1% -ს შეადგენს.

ვანის მუნიციპალიტეტის ბიუჯეტის ასიგნებების 2022 წლის გეგმიური მაჩვენებელი 21413,4 ათასი ლარით განისაზღვრა, საკასო შესრულებამ წლიური გეგმის 95,0%, 20340,7 ათასი ლარი შეადგინა.

მმართველობა და საერთო დანიშნულების (01 00) ხარჯების 2022 წლის ასიგნებების მოცულობა 3706,3 ათასი ლარით დაიგეგმა. საანგარიშო პერიოდში გაწეული ხარჯი 3699,2 ათასი ლარია, რაც წლიური გეგმის 99,8%-ია.

ინფრასტრუქტურის განვითარების (02 00) 2022 წლის ასიგნებების მოცულობა 11440,8 ათასი ლარით განისაზღვრა. საანგარიშო პერიოდში გაწეული ხარჯი 10493,4 ათასი ლარია, რაც წლიური გეგმის 91,7%-ია.

დასუფთავება და გარემოს დაცვის (03 00) პროგრამებზე 2022 წელს გეგმით 645,0 ათასი ლარი, ხოლო ფაქტობრივად 644,6 ათასი ლარი მიიძარტა, რაც წლიური გეგმის 99,9%-ია.

განათლების სფეროს (04 00) 2022 წლის ასიგნებების მოცულობა 2831,7 ათასი ლარით დაიგეგმა. საანგარიშო პერიოდში გაწეული ხარჯი 2741,9 ათასი ლარია, რაც წლიური გეგმის 96,8%-ია.

კულტურის, ახალგაზრდობის და სპორტის სფეროს (05 00) საბიუჯეტო პროგრამების ჯამური საკასო ხარჯი 1754,4 ათასი ლარია, რაც წლიური გეგმის 1771,6 ათასი ლარის 99,0%-ს შეადგენს.

ჯანმრთელობის დაცვა და სოციალური უზრუნველყოფის (06 00) 2022 წლის ასიგნებების მოცულობა 952,0 ათასი ლარით განისაზღვრა. საანგარიშო პერიოდში გაწეული ხარჯი 942,9 ათასი ლარია, რაც წლიური გეგმის 99,0%-ია.

ეკონომიკის განვითარების ხელშეწყობის (07 00) პროგრამაზე 2022 წელს გეგმით 66,0 ათასი ლარი, ხოლო ფაქტობრივად 64,3 ათასი ლარი მიიძარტა, რაც წლიური გეგმის 97,4%-ია.

საკრებულოს თავმჯდომარის პირველმა მოადგილემ გიორგი ივანიაძემ აღნიშნა, რომ ანგარიში საკრებულოში შემოსულია ვადების დაცვით, განხილულია ყველა მუდმივმოქმედი კომისიის სხდომაზე და ასევე ფრაქცია „ქართული ოცნება - დემოკრატიული საქართველო“-ს სხდომაზე. შენიშვნები არ გვაქვს. შემოვდივარ წინადადებით, რომ ვანის მუნიციპალიტეტის 2022 წლის ბიუჯეტის შესრულების ანგარიში შეფასდეს დადებითად და დამტკიცდეს წარმოდგენილი სახით (დანართი თან ერთვის).

წარმოდგენილი პროექტის მიმართ შენიშვნები არ გამოთქმულა. სხდომის თავმჯდომარემ კენჭი უყარა დადგენილების პროექტს:

**მომხრე - 24**

**წინააღმდეგი - არცერთი.**

**გადაწყვიტეს:** დამტკიცდეს განკარგულების პროექტი: „ვანის მუნიციპალიტეტის 2022 წლის ბიუჯეტის შესრულების წლიური ანგარიშის დამტკიცების შესახებ“;

**განკარგულება: გ-65. 6523095001**

**მოისმინეს:** დღის წესრიგით გათვალისწინებულ მერვე საკითხთან დაკავშირებით მომხსენებელმა გელა ჩიკვაიძემ წარმოადგინა განკარგულების პროექტი: „ვანის მუნიციპალიტეტის საკრებულოს წევრების, გარდა საკრებულოს პოლიტიკური თანამდებობის პირებისა, 2023 წლის მარტის თვის ხარჯების ანაზღაურების შესახებ“;

მომხსენებელმა აღნიშნა, რომ ვანის მუნიციპალიტეტის საკრებულოს 2021 წლის 29 დეკემბრის N27 დადგენილების შესაბამისად და ვანის მუნიციპალიტეტის საკრებულოს აპარატის იურიდიულ და საორგანიზაციო საკითხთა განყოფილების უფროსის 2023 წლის 03 აპრილის N65-65230935 მოხსენებითი ბარათის საფუძველზე, საკრებულოს წევრ არათანამდებობის პირებს აგვისტოს თვის ხარჯების ანაზღაურებისთვის ჩაერიცხოთ თითოეულს 744 (შვიდასსორმოცდაოთხი) ლარი.

წარმოდგენილი პროექტის მიმართ შენიშვნები არ გამოთქმულა. სხდომის თავმჯდომარემ კენჭი უყარა განკარგულების პროექტს:

**მომხრე - 24**

**წინააღმდეგი - არცერთი**

**გადაწყვიტეს:** დამტკიცდეს განკარგულების პროექტი: „ვანის მუნიციპალიტეტის საკრებულოს წევრების, გარდა საკრებულოს პოლიტიკური თანამდებობის პირებისა, 2023 წლის მარტის თვის ხარჯების ანაზღაურების შესახებ“;

**განკარგულება: გ.65. 65230952**

დღის წესრიგით გათვალისწინებული საკითხების განხილვის შემდეგ საკრებულოს რიგითმა სხდომამ მუშაობა დაასრულა.

ალექსანდრე ლილუაშვილი

ვანის მუნიციპალიტეტის საკრებულო-საკრებულოს

გამოყენებულია კვალიფიციური  
ელექტრონული ხელმოწერა/  
ელექტრონული შტამპი



